

tolica auctoritate accepit». Ita Augustinus scribens (13): «quod vniuersa tenet Ecclesia, nec Concilis institutum, sed semper retentum est, non nisi auctoritate apostolica traditum rectissime creditur». Quam iuxta regulam, si consuetudinis alicuius in Ecclesia obseruatae originem non possumus ad aliquod Concilium, vel summum Pontificem referre, ex apostolica illam auctoritate descendisse vere iudicamus: vt de minoribus ordinibus Canus arguantatur (14).

CAPVT VII.

Quenam sit Ecclesiae catholicae in Theologia auctoritas:

Ex vnamini Ecclesiae per orbem dispersae sensu firmum dicitur argumentum ad Theologiae dogmata comprobanda.

Ecclesiae nomen origine graecum est, quod latine idem prorsus sonat ac euocatio, vel conuocatio nempe in vnum aliquem coetum. Hoc autem discrimin Synagogam interest et Ecclesiam, quod antiquus ille populus ex aequo et Ecclesia, et Synagoga nuncupatus est; plebs vero christiana numquam Synagoga fuerit appellata. Hoc vero ex eo prouenire Scriptores ecclesiastici obseruarunt, quod Synagoga, quae congregatio etiam dicitur, hominum perinde ac animalium sit; congregari enim pecora solent; sed Ecclesia, quae conuocatio audit, spiritualium solum, siue credentium collectionem complevit: non enim conuocari nisi homines solent; cuius quidem discriminis Augustinus primus habetur auctor (1).

Non vna tamen est ita nominis acceptio. Minus quandoque proprie pro loco sumitur, in quem Dei cultores conueniunt; secundum illud Paulli 1. ad Corinth. xi. v.22. „numquid domos non habetis ad manducandum et bibendum, aut Ecclesiam Dei contemnitis?« Proprie vero accipitur pro ipso fidelium coetu, vt in Psal. cxi. v.32. „Exaltent eum in Ecclesia plebis«. Licet generaliter vox illa quandoque usurpata sit pro quacumque concione, siue fidelium, siue infidelium, siue piorum, siue impiorum.

Ec-

(13) Lib. iv. de Bapt. contra Do-
nat. cap. 24.

(14) Lib. iii. cap. 4.
(1) In Epist. ad Rom.

Ecclesiae huius proprie dictae triplex praeterea fertur significatio: amplissima vna, quae et Sanctos in Coelo regnantes, et eos qui Dei iustitiae in purgatorio satisfaciunt, et eos qui in terris militant, comprehendit: alia minus ampla amplectens fidelium coetum, vnam eamdemque fidem, siue ante, siue post Christi ortum profiteantur: tercia demum hominum societatem designat, qui Christi Baptismate consignati sunt; de hac sermo nobis erit, quaeque apte definitur: «coetus hominum vnius eiusdemque christiana fidei professione, eorumdemque Sacramentorum communione, sub uno legitimo ac visibili capite Romano Pontifice, congregatus». Ex qua definitione perspicue colligitur nullam esse cum hoc mystico Christi corpore societatem et coniunctionem haereticis primum, et infidelibus, qui Christi fidem non profitentur; deinde cathecumenis, qui nondum facti sunt Baptismi particeps; et excommunicatis, qui per Ecclesiam a Sacramentorum participatione semoti sunt; ac tandem schismaticis, qui licet fidem intra Ecclesiam profiteantur, et Sacraenta percipient, visibili tamen Ecclesiae capiti subesse nequeunt. Sed de Ecclesiae membris alia suo loco subiicientur, quae a nobis nec possunt, nec debent praeteriri. Illud hic addendum: Ecclesiam, que in Scripturis tanquam ouile, atque Christi corpus describitur, non oves tantum, sed et Pastores, nedum membra, sed et caput in se habere: scilicet Ecclesiam integrat et fideles, qui Christo per Baptismum nomen dedere, et ipsi Ecclesiae Pastores, nempe Episcopi, in quibus Ecclesiae auctoritas potissimum residet.

Hanc vero catholicae Ecclesiae auctoritatem, atque vnam mem sensum firma argumenta suppedire ad fidei morumue dogmata comprobanda, quod supra statutum est, his momentis demonstratur. Primum: Ecclesiae catholicae, seu per orbem dispersae vnamis sensus infallibilis prorsus est: ergo quod ex illo sumitur argumentum firmum evadat necessum est. Probatur antecedens primo: Ecclesiae fidem deficere non posse illud probat, quod Ecclesia Christi sponsa est per fidem, eique sponsata in sempiternum, vt Oseea ii. v.19. dicitur: at fides Ecclesiae vnamis illius sensus est: ergo. Secundo: Ecclesia errare in credendo non potest, nisi posse errare Christum eius caput dicere quis audeat: quum enim ab eo moueat, et regatur, velut corpus a suo capite, vt loquitur Paulus ad Ephes. v. illius error in Christum referendus foret; at hoc adserere horrendum esset arque blasphemum: ergo et adserere Ecclesiam vniuersam non esse infalli-

bilem. Sunt et alia Scripturatum loca hoc collineantia, videnda apud Caenum (2).

Secundum argumentum: vnamis omnium orbis Ecclesiarum consensus in vnum aliquod dogma infallibilis est: ergo et Ecclesiae catholicae sensus infallibilis sit oportet; ex coeque deductum argumentum firmum omnino. Probatur antecedens: consensus ille infallibilis est, cui oppositum dogma haeresis arguitur: atqui dogma vnamini Ecclesiarum consensu oppositum haeresis declaratum fuit: nam Saturnini, et Basilidis errores, Valentini, Cerdonis, et Marcionis mendacia solo Ecclesiarum consensu damnata fuisse Eusebius testis est (3). Eudem Ecclesiarum consensu opponunt Irenaeus Florino haeretico, Hieronymus Vigilantio, Cyprianus his qui Nouatiano fauebant. Atque per hunc consensum confirmatas Synodos in Prouinciis habitas aduersus haereses insurgentibus Eusebius ipse memorat (4). Accedit: non minus infallibilem consensum hunc esse, quam sit consensus omnium Ecclesiae Pastorum in Conciliis generalibus congregatorum: ut enim Episcopi in Conciliis adunati errare non possunt, quod vniuersam repraesentent Ecclesiam, nec errare poterit Ecclesia vniuersa ex particularibus Ecclesiis constituta.

COROLLARIVM.

Est insuper Ecclesia societas visibilis seu sensibus patens; indefectibilis quoque penes partem etiam externam et visibilem. Ecclesiae visibilitas vel ex eius definitione superiorius data colligitur, quae cum visibile caput, et visibilem fidei professionem, Sacramentorumque participationem supponat, et corporis visibili rationem habeat necessaria est. Tum etiam colligitur ex his, quae de infallibili eius consensu nuper dicebamus: siue enim Ecclesia catholica pro fidelium concione accipiatur, siue pro Ecclesiis particularibus, siue earum Pastorum, iisdem quibus evincitur infallibilem esse argumentis, evincitur et esse visibilem. His addi posset Scripturam sacram de Ecclesia, tamquam de visibili sociate loqui. Sic Matthaei cap. xvii. v. 17. »dic Ecclesiae. Si autem Ecclesiam non audierit«, ceterum ut alii praetermittamur. Indefectibilitas vero ex Christi promissis supra memoratis constat. Quibus affine est illud Pauli i. ad Timotheum cap. vi. vv. 13. et 14. »praeceps tibi.... ut serues mandatum sine macula, irreprehensibile usque in aduentum Domini nostri Iesu Christi«.

CA-

(2) Lib. iv. cap. 4. (3) Lib. iv. cap. 7. (4) Eodem lib. x. cap. 16.

CAPVT VIII.

Haeticorum argumentis aduersus Ecclesiae catholicae auctoritatem fit satis.

Locum hunc, quem Ecclesiae per orbem diffusae auctoritas constituit, imbecilliores heterodoxi existimant, quam ut ducitis inde argumentis Theologica dogmata valeant confirmari. Ac Montanus quidem primus creditur fuisse, qui suis discipulis suaserit nullam Ecclesiae reuerentiam exhibendam esse, ut scribit Eusebius (1). Nestorium postea ausum esse adfirmare vniuersam Ecclesiam in errorem a Doctoribus ignaris, quos sequitur, duci Lyrinensem testatur (2). Icomachii, ut ex Synodo VII. generali habetur (3), Ecclesiam errasse in cultu et veneratione Imaginum sanctorum adsernere. Donatistas quoque et Rogatianos auctoritatem Ecclesiae factis contensisse Augustinus testis est locupletissimus (4). Et ut ad Nouatores veniamus, Wiclefum secutus Lutherus, huicque adhaerens Caluinus, Ecclesiam in multis errasse, eiusque propterea auctoritatem imbecilem fractamque esse, passim in suis scriptis mentisi sunt, pestilentissimum hoc doctrinae depositum Lutheranis et Caluinianis suis relinquentes.

Illorum autem praecipua argumenta sunt huiusmodi. Primum: Ecclesia Christi errare in fide et religione potest; at hoc ipso eius consensus, etsi vnamis, firmum argumentum praestare non poterit pro Theologiae dogmatibus comprobandi: ergo. Probatur maior propositio: Ecclesia antiqua errauit in Aarone, aliisque ex plebe virtulum confiatilem adorans: ergo et Ecclesia Christi obnoxia est similliter errori. Secundum: Ecclesiam temporibus Isiae et Ieremiae errasse in cultu vnius veri Dei clarissima eorumdem Prophetarum testimonia demonstrant. Videlicet illud Isiae i. v. 3. »cognovit bos possessorem suum, et asinus praecepit Domini sui: Israel autem me non cognovit«. Illud etiam Ieremiae cap. ii. vv. 26. et 27. »confusi sunt domus Israel, ipsi et Reges eorum, Principes, et Sacerdotes, et Prophetae eorum dientes ligno: pater meus es tu; et lapidi: tu me genuisti«. Igitur et Christi Ecclesia poterit similiter errare, quum una eademque Ecclesia sit. Tertium: licet Synagoga maxima a Deo promissa acceperit, errauit in dammando Christum: ergo et Ecclesia

sia

(1) Lib. v. cap. 16.

(2) In lib. de proph. nouitatu.

(3) Act. vi. (4) In Epist. ad

Vincent. 48. alii etiam in locis.

sia errare poterit, quamvis a Christo plurima acceperit promissa.

Quartum: Apostoli omnes Christi fidem passionis Dominicæ tempore amisse constat ex cap. Matthæi xxvi, vbi dicitur: «omnes vos scandalum patiemini in me in ista nocte: percutiam pastorem, et dispergerunt oves gregis». Cui consonant textus Lucae xxiv. et Marci xvi. Constat deinde ex Augustino scribente (5): «omnes discipuli desperauerunt quod ipse esset Christus: a Latrone Apostoli victi sunt, qui tunc credidit quando ipsi defecerunt»: ergo et Episcopi omnes Ecclesiarum particularium, qui Apostolis succedunt, fidem amittere possunt.

Quintum: singulae Ecclesiae non habent erroris immunitatem: perulgatum enim es Alexandrinam, Antiochenam, Constantinopolitanam Ecclesias errasse; quod et aliis particularibus accidit saepius: ergo nec vniuersalis Ecclesia ex illis coalescens illam habet immunitatem. Sextum: siue Ecclesia pro concione fidelium sumatur, siue pro Pastoribus vel Episcopis, nullum ex eius auctoritate firmum sumi argumentum potest: quemadmodum enim impossibile videtur fidelium omnium sensum in fidei quaestione requirere; videtur vel maxime possibile Pastorum sensum a Christi fide posse esse alienum: nullo igitur pacto ex Ecclesiae sensu et auctoritate sumtum argumentum firmum in Theologia erit.

Ad primum quidem non vna tantum responsione sit satis. Ac principio falsum esse dicimus Ecclesiam vniuersam in virtute adorando errasse: nam nec Moses, nec Iosue, qui populum regebant, nec ceteri omnes qui in castris erant fideles in communem plebis idolatriam inciderunt; quum ex Scripturis sciamus ad Mosis vocem illi adhaesisse filios Levi, qui certe, et pro Domino sterere, et sceleris ab aliis admissi socii non fuere. Accedit, Aarone tunc temporis Sacerdotem non esse, nec proinde Ecclesiam repraesentare; quod nos vnicce adserimus, Pastores nempe Ecclesiam repraesentantes errare in fide et moribus omnes simul non posse. Secundum vero solutum iam pridem ab Augustino reperimus his verbis: «plerumque (6) sermo diuinus impias turbas Ecclesiac sic redarguit, tanquam omnes tales sint, et nullus bonus omnino remanserit. Inde quippe admonebitur in suo quodam numero eos dici omnes, id est, omnes filii gehennae. Isti ergo, vel imperito, vel fallaciter agentes colligunt de Scripturis talia, quae vel in malos bonis usque in finem permixtos,

„vel

(5) In Psalm. lxviii.

(6) In lib. de unitate Eccles. cap. 12.

„vel de vastatione prioris populi Iudeorum dicta reperiuntur; et volunt ea detorquere in Ecclesiam Dei, vt tanquam defecisse ac periisse de toto orbe videatur. Itaque ex Augustino oracula Prophetarum, licet vniuersum populum, reprehendant, in malos tantum inuehuntur, quibus si boni comparentur fere nullos esse appetet: quinimo non reprehensiones, sed praedictiones aestimandæ sunt, quibus populus iudaicus, qualis post Messiae aduentum erat futurus describitur. Ad tertium dissoluendum hoc ex multis Synagogam inter et Ecclesiam discrimen adsignare sufficit: Dei promissa Synagogæ facta temporaria fuisse; quae vero a Christo Ecclesiae factæ fuere promissiones, absolutæ fuere atque perpetuae.

Ad quartum sic respondetur: omnes Apostolos fidem perdidisse pugnat primum cum Scriptura, quae Matthæi cap. ultimo haec habet: «discipuli abiuerunt in Galilæam, in montem vbi constituerat illis Iesus; et videntes eum adorauerunt; quidam autem dubitaverunt». Quod si id tantum contendenter argumentatio, Apostolos scilicet in fidei professione defecisse, aut in fide viua, quae per dilectionem operatur, in illam forsitan sententiam adduceremur; sed eos velle omnes a rectis fidei semitis aberrasse, non solum illis, sed Christo et Ecclesiæ grauissimam iniuriam infert. Hac doctrina Augustinum interpretati sumus. In quinto soluendo fatemur libenter singulas Ecclesias, ex hominibus scilicet constitutas, errare posse in negotio fidei; ac re ipsa errasse Alexandrinam, ceterasque de quibus argumentum. Hinc totam Ecclesiam errori esse obnoxiam, ex quo homines singuli possint errare, fateri opus esset, nisi diuinæ procuratiōnis ratio haberetur; atque Christi Domini verbo Ecclesiae infallibilitas firmata est; licet singula, quae mysticum hoc corpus constituent errore infici possint, singularesque Ecclesias quandoque errauerint. Ad sextum dicendum: duplex esse veritatum genus, quae ab Ecclesia creduntur. Aliae siquidem ad omnes spectant, vt Deum hominem assumisse, ac pro hominibus mortem optetisse. Aliae, quarum notitia ad maiores, et sapientes spectat, vt Epistolam Pauli ad Hebreos esse canonican, aliaque id genus. In his ergo quae sunt prioris generis, communis fidelium sensus inquirendus est; non sic tamen ut seorsim rogenitus singuli, quod molestum esset ac ridiculum, sed eorum tantum fidem, quae sese statim prodit, considerando. In his vero quae ad doctos et maiores attinent, horum vnicce sensus explorandus est; qui absdubio infallibilis erit, ex his quae hucusque

di-

dicebamus; quaeque sequentibus libris addenda erunt, vt Ecclesiae Pastorum auctoritatem plenius vindicemus.

APPENDIX.

Quod si Ecclesia audienda est, quae illa vera? Multae sunt enim christiani nominis sectae, quae sibi hanc arrogant dignitatem: vera tamen esse non potest, nisi una tantum, quae verae Ecclesiae characteres seu notas habeat. Has tamen, nobiliores saltem, nobis exhibuere Synodi Constantinopolitanae Patres, quum Ecclesiam *vnam, sanctam, catholicam, et apostolicam* dixerunt. Non enim ignoramus senari numero Augustinum Ecclesiae notas recensuisse⁽⁷⁾: duas Hieronymum⁽⁸⁾: tres Vincenzium Lyzinensem⁽⁹⁾: decem Michaelem Medianam⁽¹⁰⁾: alios etiam plures adnumerasse. Ad primam ergo ex his quae Patres CP. recensueruere notam venientes, Ecclesia *vna* dicitur propter unionem et consensum omnium qui in Ecclesia sunt, cum Ecclesiae capite. Quam unionem atque consensum expressit Paulus ad Ephesios iv. scribens: „sorliciti seruare unitatem spiritus in vinculo pacis. Vnum corpus, et unus spiritus, sicut vocati estis in una spe vocationis vestrae. Unus Dominus, una fides, unum Baptisma.“

Perfecta enim unitas et consensus, cuiusmodi in bonis sanctisque reperitur, omnia haec requirit; vnum corpus, uno eodemque spiritu vivificatum actuunque; vnum vocationis spem seu gloriam speratam; vnum etiam Dominum, vnumque Regem, ne monstruosa illa sit; vnam fidem, qua Dei populus constitutur, seu diuino cultui dicatur; vnum postremo baptismus, in quo ceterorum Sacramentorum inest communicatio; quo videlicet Christi membra sic colligata in vnum Christi corpus, quod est Ecclesia, coire valcent. Sed non in omnibus Ecclesiae membris unitas haec aequa perfecta est; in quibusdam enim valde imperfecta reperitur. Sunt huiusmodi ea membra, in quibus spiritus vivificans non est, seu fidem in ea non influit; vt haeretici occulti quandiu ab Ecclesia non sunt exclusi; sufficit namque vnum Baptisma, atque una eademque Sacramentorum communio, vt in Ecclesia esse dicantur; proindeque summum Ecclesiae Pontificem, ceterosque Praesules ac Ministros potestatem et iurisdictionem per haeresim occultam interioremque amittere, non mo-

(7) Cont. Epist. fundam.

(9) In Commenit.

(8) Adu. Luciferianos.

(10) Lib. ii. de recta fide.

do non certum, sed nec probabile quidem esse, plures ilique nobilissimi Theologi censem.

Dicitur Ecclesia *sancta*, et intuitu doctrinae quam profitetur, et legum quibus regitur, et cultus diuini, cui addicta est, et sanctitatis Christi capituli, ad quam vocatur, vt ait Paulus ad Ephesios i. „elegit nos in ipso ante mundi constitutionem, vt essemus sancti, et immaculati in prospectu eius“. Hanc tamen internam sanctitatem Ecclesia certo haberet in parvulis, et adultis nunc primum per Baptismum regeneratis; habet et in aliis pluribus: sed non in omnibus, quum in illa sint boni et mali, praedestinati et reprobri; quidquid reclamat Wiclefus, Donatista, Lutherani, et Caluinistae, quorum errores ex parabolis euangelicis de area, in qua cum tritico paleae sunt; de coniugio, in quo inueniens est aliquis non habens vestem nuptiale; et de decem Virginibus, quarum quinque erant fatuae; de reti tandem, ne omnes numeremus, in quo pisces mali cum bonis permixti erant, Theologi nostri oppugnare solent. Hinc non nisi in epistolis Ecclesiam quis ea ratione diceret ortum conclusum, fontem signatum, sanctam, pulchram, perfectam, sine macula, et ruga, quod in illa nullus sit praescitus, nullus infirmus. Neque sanctitati Ecclesiae officiunt malorum christianorum vitia; quae particularia sunt, et ab Ecclesia ipsa improbantur, corriguntur, damnantur.

Dicitur etiam *catholic*a, quod non vni loco affixa sit, sed per orbem diffusa, vt in hoc etiam a coetibus haereticorum differat, quemadmodum Augustinus animaduertit⁽¹¹⁾. Quo certe Davidis oraculum impletum agnoscimus. „Postula a me, et dabo tibi gentes haereditatem tuam, et possessionem tuam terminos terrae“. Psal. ii. v. 8. Tum etiam, quod non vno rantium saeculo, sed per omnia saccula ab eius exordio eadem semper extiterit, aeternum deinceps permanens; quum Christus eius auctor ipsi se ad futurum promiscerit. Demum, quod illius fides communis sit, et universalis doctrina.

Dicitur postremo *apostolica*, quoniam in Apostolis initium habuit, qui fidem et doctrinam universalis creature tradiderunt, et a quibus legitima Episcoporum successio propagata est. Consulatur Tertullianus, qui hoc argumentum dilucide persequitur⁽¹²⁾. Iam vero Ecclesiam *vnam, sanctam, catholicam, et apostolicam* eam tantum esse, quae Romanum Pontificem vt caput visible habet, ex dictis consequitur. Principio enim ea sola vnum corpus est, uno eodemque

Tom. I.

G

spic.

(11) Lib. de vera relig. cap. 7. (12) Lib. de praescript.

spiritu rectum; vnam candemque fidem amplectitur; vnum Domini reueretur; vnum Baptisma proficitur. Deinde in sola illa vera et incorrupta Christi doctrina permanet; quum sectae omnes in plurimis erent. Rursus: sola Christi Ecclesia omnium locorum est, omniumque temporum. Denique haec sola successionem legitimam Episcoporum ab Apostolis habet; quum sectarum mentiti Episcopi, non ab Apostolis, sed a turbulentis et ambitiosis hominibus, qui suis affectibus seruientes turbas et sectas excitarunt, originem trahant.

CAPVT IX.

De Conciliorum, potissimum generalium, grauissima auctoritate.

Concilia generalia legitima infallibilis sunt auctoratis: vnde ex illis ductum pro fide et moribus argumentum firmum certumque est.

Concilium latine, graece Synodus, hebraice Synedrium, Episcoporum coetum significat in locum vnum coeuntum, vt caussas eas definiant, quae ad Ecclesiae fidem aut mores pertinent. Quanquam enim singuli Episcopi singulas Ecclesiae partes regant; quandoquidem »Episcopatus vnu est, cuius a singulis in solidum pars tenetur», vt Cyprianus loquitur (1); tamen, quum opus est, in vnum locum conuenient, et Concilium agunt, vt religione prouideant. Errant igitur in media luce quoquor Synodi vel Concili nomine, non Episcoporum ac Sacerdotum modo, sed et laicorum conuentum intelligunt: quare Lutherum morari nolumus, qui a Leone X. damnatus ad generale Concilium adpellauit; sed noui generis Concilium, et omnibus retro sacculis inauditus, vbi de fidei questionibus non Episcopi et Sacerdotes iudicarent, sed rhetores et laicorum turba, qui non via et ratione, sed verbis et clamoribus praeulerent: vt et Bucerum, qui in Ecclesiae Synodum cogi non debere nisi Dei filios commentus est. Quam huiusmodi hominum insaniam valide refellit Canus (2).

Concilia autem Episcoporum, quae veri nominis Concilia sunt, si ex vniuersis Ecclesiae Episcopis coalescent, *Oecumenica*, seu *Generalia* vocantur; si vero ex vna Natione, *Nationalia*; si ex vna tan-

tum

(1) In lib. de vnit. Eccl.

(2) Lib. v. cap. 2.

tum Prouincia, *Provincialia*; si demum ex presbiteris vnius dioecesis, *Episcopalia*, seu *Dioecesana*. Et haec est quadrimembris Conciliorum diuisio apud Theologos, et Iuris Pontificii peritos vulgata. Nam si quod aliud Concili genus a Romanis Pontificibus ex Episcopis diuersarum dioecesum, quos in vrbe Roma inueniri contingit, et ex Romanis presbiteris, aliquis ecclesiasticis viris celebratum ex Ecclesiae monumentis constat, mixtum illud ex provinciali, et dioecesano erit, vt probe sapientissimus Pontifex Benedictus XIV. animaduertit (3). A christiani nominis ortu nouemdecim generalia Concilia numerantur in Ecclesia catholica celebrata; quorum octo priora orientalia, reliqua occidentalia agnoscantur. Inter nationalia celebriora fuere Carthaginensia, et Toletana, de quibus non attinet multa dicere: sermonem enim praecepit institutum de oecumenicis, seu generalibus, quae certam faciunt fidem catholicorum dogmatum, mox vt constat rite illa ac legitime fuisse celebrata.

Ad legitimam vero Conciliorum generalium celebrationem recte facta p[ro]ae primis requiritur conuocatio, ab iis scilicet, ad quos iure spectat. Hoc autem ius ad solam Ecclesiam, prout animalium pastores complectitur, pertinet Imperatores ipsi confessi sunt; vt ex Valentianino responso ad Episcopos constat apud Sozomenum (4); sicutque natura ipsa rerum, quae in Conciliis aguntur: videlicet fidei ac morum decreta condere, et disciplinae capita praescribere. Quod enim priora octo Concilia ab Imperatoribus christianis conuocata sint, sive illud Episcoporum consilio factum sit aut petitione, ius certe non arguit. Ex Pastorebus autem Romano Pontifici, tanquam Ecclesiae capit[us] ac Primati, generalium Conciliorum conuocandorum auctoritas singulari priuilegio concessa est, vt loquitur Pelagius II. Ea quidem Romani Pontifices omnia generalia Concilia conuocant, quae post octauum celebrata sunt, quantum ex ecclesiastica historia coniicere licet. Excipiendi sunt causas nonnulli, in quibus alteri quam Romano Pontifici, ius conuocandi generalia Concilia competit, quos Iu[n]ius (5), aliquis recensent.

Sed praeter conuocationem, vt rite Concilia celebrentur, necesse est Patres collationibus, et disputationibus re diligenter tractata, liberim, et ex intimo animi sensu sententiam dicere, veluti Iudices diuina ordinatione constituti. Neque enim dormientibus, et os-

(1) In Op. de Syn dioeces. lib. i. cap. 2.

(4) Hist. lib. vi. cap. 7.

(5) Disserr. iv. de locis Theolog.

art. 1. conclus. 7.

citantibus Patribus Spiritum sanctum adsistere credendum est. Requiritur tandem, ut ab eo Concilia praesideantur, ad quem iure spectat, Romano nempe Pontifice, quem per se, vel per suos Legatos omnibus fere Concilis praefuisse facili negotio demonstrari posset. Quod si quandoque Imperatores legitimae Synodo praeferunt, quoad locum tantum materialem, et pro ordine ac pace conciliandis praefuisse, non vero quoad suffragium, et directionem, abunde ex Ecclesiac monumentis liquet.

Verum haec ex instituto persecuti nostrum non est, qui breues esse consulto voluimus. Habentur fuse dilucidata in eorum scriptis, qui huius loci auctoritatem vindicarunt. Nobis haec praenotasse sat fuerit, ut probandum adgrediamur generalia Concilia, hoc pacto celebrata, infallibili gaudent auctoritate in fidei ac morum rebus definitiis; atque ex illis sunt argumenta, firma omnino ac certa esse, quod est praecipuum controversiae caput.

Probatur vero his momentis. Primum: quae Concilium generale definit Spiritus sancti auctoritate definit; at sic definiens errare in fidei et moribus non potest: ergo eius auctoritas infallibilis est, certe. Probatur propositio maior: Concilium ab Apostolis celebratum, cuius Scriptura meminit Act. xv. Spiritus sancti auctoritate definitum; immo edita ab eo definitio Spiritui sancto tribuitur. »Visum est, inquit, «Spiritui sancto et nobis«: atqui idem ferendum est iudicium de Conciliis, quae in Ecclesia celebrantur, ac de priore illo coetu, reliquorum, qui post illum habiti sunt, regula atque norma: ergo.

Secundum momentum: quum duo vel tres auctoritate Christi in locum unum congregantur, ab ipsoque veritatis cognitionem exposulant, eorum Deus preces benigne audit; dicente ipso Domino, Matth. xviii. »vbi sunt duo vel tres congregati in nomine meo, ibi sum in medio eorum«: potior ergo iure talem veritatis notitiam largitur Episcopis in Concilio generali adunatis. Etenim adducta ex Matthaeo verba de Conciliis exponunt Synodus Chalcedonensis (6), Coelestinus Papa (7), aliique.

Tertium momentum: Ecclesiam non posse errare in fidei et morum iudiciis multis supra ostendimus; sed Concilium generale universam repraesentat Ecclesiam: ergo. Minoris propositionis veritas constat ex his quae Augustinus docet (8); ex his etiam, quae Mar-

(6) In Epist. ad Leonem Roman. Pontificem.

(7) In Epist. ad Concil. Ephes. L. Lib. 3. de Bapt. cap. 18.

tinus V. ad calcem Concilii Constantiensis apponi itus; nempe, ut ii, qui in haeresis suspicionem venerint, interrogentur, »an non credant Concilium generale vniuersam Ecclesiam repraesentare«?

Quartum momentum: traditione edocemus priorum saeculorum Concilia haereticos eos declarasse, ac anathematice confodisse, qui Conciliorum definitionibus subscribere noluerunt: tum iusisse fidibus, ut id ex animo crederent, quod in Concilio fuerat definitum; haud dubitantes editas ab illis definitiones Spiritus sancti definitions esse; in quarum defensionem exilia ac mortem ipsam plurimi passi sunt; quas tandem posteriora Concilia ad examen numquam reuocarunt in his quae fidei ac morum esse viderentur; at hoc probat antiqua Ecclesias Concilia in ea fuisse sententia, quod infallibili auctoritate donata illa erant: ergo id ex traditione evincitur.

Quintum momentum: si Conciliorum generalium auctoritas non esset infallibilis, redirent haereses omnes ab ipsis Concilii damnatae: populus praeterea fidelis Conciliorum definitionibus acquiescens in errorem saepè duceretur, erraretque cum errante Concilio: neque villa demum certa tutaque esset via, qua in fidei et morum controversiis dogma catholicum exploraremus; sed haec absurdia sunt, quae nulli in mente subire poterunt, nisi vel insanus ille sit vel haereticus: Concilia ergo generalia infallibili gaudent auctoritate; ex eisque ducta argumenta pro fide ac moribus firma omnino ac certa sunt.

Sunt et alia pro Conciliorum eorundem infallibilitate amplius firmando, in morum illorum doctrina praesertim, qui ad salutem necessarii sunt. Et primo quidem: Paulus ad Ephesios iv. scribit, dedisse Deum Pastores, et Doctores ad consummationem sanctorum, ut non circumferamus omni vento doctrinam; sed si Conciliae Patres in moribus eiusmodi errarent, non docerent ad sanctorum consummationem: ergo. Deinde: si Ecclesiae Pastores in Concilium vocati, vitae morumque praecepta sinistre interpretarentur, qui eos a via iusta aberrantes sequeretur, erroris huius Christum praecipuum haberet auctorem, cuius est illud: »qui vos audit, me audit«. at hoc dicere impium atque blasphemum est: non ergo errant in huiusmodi morum doctrina Conciliorum Patres.

Nec tamen sic sentiendum est de moribus, qui ad priuatos homines, vel Ecclesias referuntur. In his enim errare per ignorantiam Concilium potest; non in iudicio tantum rerum gestarum, sed in ipsis quoque priuatissimis praeceptis et legibus: penderet siquidem huius-

modi iudicium ab incertis hominum testimoniis; atque opinionem tantummodo sequitur, quam et fallere saepe contingit et falli, ut loquitur Innocentius III (9).

SCHOLION.

¶ Certam ne vero Conciliorum generalium legitimorum decretorum omnia christiana doctrinae fidem faciunt? Multa hec prudentia Theologus eger; quum nec ex loco sua natura firmo, ut iam pridem monebamus, firma semper argumenta eruantur; nec omnes Conciliorum definitiones certae sint; sed Patres, etiam quum adserunt se quidquam firmiter profiteri et credere, nihil omnino definit, quod fideles sequi teneantur; vt ex Concilii oecumenicis Lateranensi IV. et Vienensi Canus colligit (10). Quod ex Tridentino etiam colligere potuisset. Quid ergo? sicut ne erit, vt Conciliorum decreta firma esse credantur in diuino officio ab viuenda Ecclesia celebrari? minime gentium. Neque enim historiae, quibus Martyrum, et Confessorum gesta narrantur, etsi a Conciliis approbatæ sint, fidei decretæ sunt: sicut nec Opuscula Doctorum ecclesiasticorum, quae probata sunt a Synodo Gelasii Papæ (11); nec si quicquam in Iuris canonici volume continetur. Qui enim hacc fidei dogmata esse credit haud erit Theologus nominandus.

Quæcum ita sint, facile intelligitur nulli, vel certe exiguo locum hunc vsui Theologo futurum esse, nisi aliquæ viae, aut notæ sint, quibus omnino certa Conciliorum de fide ac moribus de cœta internoscantur. Sunt autem istae: Conciliorum de cœta ad fidem pertinere, si contrarium adserentes haeretici indicentur. Quum insuper in hanc formam Synodus sententiam fert: si quis hoc, aut illud adfirmauerit, vel negauerit, anathema sit. Quum etiam in eos, qui Concilii sanctionibus aduersantur, excommunicationis sententia feratur ipso iure cum anathemate: si quidquam praeterea, aut expresse et propria fidelibus omnibus, seu fidei catholicae dogma firmiter credendum, aut rei scindendum, seu Euangeli doctrinæque catholicae contrarium; non ex opinione quæc verbo *videtur* exprimi solet, sed certo et firmo decreto pronuntietur. Quæ enim in Conciliorum decretis, vel rei explicanda gratia inducuntur, vel ut obiectiōnibus responsa adhibeantur, vel obiter et praeter præcipuum institutum, non sunt in fidei decretis habenda, nec firma ex eis argumenta a Theologo peti poterunt.

(9) In cap. A nobis. (10) Lib. v. cap. 5. (11) Dist. xv. cap. Sancta Romana.

CAPVT X.

Argumenta soluit, quibus haeretici Conciliorum auctoritatem labefactare conantur.

Nulum prorsus esse Concilium, quod diuinam, proindeque infallibilem auctoritatem habeat, Lutherus docuit (1), contendens nullum esse, quantumcumque oecumenicum seu generale supponatur, quod non possit errare; quem errorem Calinus amplexus est (2); viterque in eum prolapsus, quod vidisser impia sua dogmata a Conciliis fuisse damnata, atque denuo damnanda pertimesceret in Concilio, quod Tridentum Paulus III. convocarat. Argumenta vero, quæ illi, et ipsorum asseclæ oblicere solent, sunt huiusmodi.

Primum ex Scripturis de promtum sic proponi valet: quod Episcopi in Conciliis adunati falli non possint ex aliquo pacto profisciscatur necessum est; atqui non legitur in Scripturis pactum eiusmodi: quod enim legitur Malachiae II. nempe: »pactum meum (ait Dominus) «cum Levi», etc. quodque ad nouæ Legis Sacerdotes extendi videatur, iritum factum fuisse propter peccata scandali Dominus ipse testatur: ergo privilegio infallibilitatis non gaudent Patres in Conciliis congregati. Cui quidem argumento robur accedit ex illo Hieremiac cap. v. »Sacerdotes non dixerunt, vbi est Dominus? et tenentes legem, «meam nescierunt me, et Pastores præuaricati sunt in me». Ex illo etiam Isaiae LVI. »Speculatoræ eius caeci omnes, neque quidquam «nouerunt; omnes canes muti, nec valent latrare». Deinde: Conciliorum infallibilis auctoritas illo testimonio Matthæi xxviii. probari solet: »vbi sunt duo, vel tres congregati in nomine meo, ibi sum «in medio corum»; at hoc testimonium aequæ probat Synodorum protinicialium iudicia certa esse: ergo.

Secundum ex Patribus desumptum ita se habet: coetus illi infallibilem non habent auctoritatem, quorum non est felix exitus; qui non possunt in controvëris fidei laudari; quique non raro a posterioribus emendantur: atqui Concilia generalia ea sunt, vt nullius se vidisse felicem exitum Gregorius Nazianenus scribat (3); vt non audeat Augustinus Nicaenum I. laudare aduersus Maximilium (4); vt tandem priora Concilia plenaria a posterioribus emen-

(1) In lib. de Concil.

(2) Lib. iv. Instit. cap. 9.

(3) In Epist. ad Procop.

(4) Lib. III.

dari ipse Augustinus dicat (5) : infallibilem ergo auctoritatem non habent.

Tertium ex Concilis ipsis petitum sic vrgent : plurima sunt generalia Concilia , quae in fide et moribus errarunt. Illud primo, cuius meminere Iohannes cap. viii. et Marcus cap. xiv. definiens Christum non esse Messiam in lege promissum : Tyrium deinde et Hierosolymitanum , in quibus M. Athanasius , cuius era cum fide coniunctissima caussa , damnatus fuit : Antiochenum , in quo idem Athanasius loco mortuus , et a sede deiectus est : Syrmicense , in quo noua fidei formula condita fuit : Ariminense , cuius etsi faustissima initia , lamentabilis tamen exitus legitur ; expuncta siquidem ex Symbolo voce *ipso*, in vniuersum orbem Arianismus inuectus est , vt conqueritur Hieronymus (6) : Ephesinum II. Eutychetem absoluens , et Flauianum catholicum damnavit : Chalcedonense , in quo absoluti Theodoretus Cyri, et Ibas Edessae Episcopi , quos postea Synodus V. oecumenica damnauit : Constantinopolitanum III. Honorii Papae Epistolas tanquam haereticas damnavit , et Honorium ipsum anathemae seriens : Francofordiense , decretum de colendis imaginibus in Concilio Nicaeno II. latum reiiciens : ergo nec infallibilem illa auctoritatem habent , nec firmum ex eis argumentum duci valet.

Quartum ex personis , quae concilium integrant , hauriunt : constat Concilium , inquit , ex Episcopis , quorum maior pars mundum diligit , eiusque elementa in operando sequitur ; aut saltem , quos nemo scit , an iusti vel iniusti sint : at hoc ipso infallibilia illa esse non possunt ; quum illis Spiritus sanctus non adsit : ergo.

In immensus abiret labor noster si singula Nouatorum argumenta producere vellémus , vt nostratum multi faciunt , quos adire poterit , qui pleniorē exoptet huius rei notitiam (7). Nos ad ea quae ex haereticorum sententia nobis obiciebamus , soluenda gradum facere cogimur. Et ad primum ex Scripturis petitum dicimus : non ex illo pacto Conciliorum infallibilitatem colligi , sed ex Christi promissis Ecclesiae suae factis , quae saepius memorauimus. Iam pacta illa vetera alla a nostris erant , vt pro temporaria , vt lex et sacerdotium. Quod autem ex Ieremia et Isala fuit additum , non pro omnibus , sed pro aliquibus Pastoribus dictum , iuxta usitatam Scripturarum phrasim , Augustinus obseruat , vt supra dicebamus (8). Vel si de omnibus

(5) Lib. ii. de Bapt. cap. 5. (6) Can. lib. v. cap. i. Iuenit. Dis. iv.
(5) In dial. aduers. Luciferianos.

(7) de locis art. 4. (8) In lib. de vni. Eccl. c. 2.

bus accipendum sit , non prout in Conciliis congregati sunt , vel collective sumitis , vt nostri loqui amant , sed seorsim et distributie consideratis. Sic enim non est eis promissa infallibilitas. Sed nec innititur praecipue hoc privilegium Ecclesiae promissum testimonio Matthaei loco ultimo adicto : in illo quippe nihil de Conciliis Ecclesiae Christus videtur praefinire , sed commendare unitatis consensionem , vix quidam Theologi censem : intellecto tamen loco illo de Conciliis propter illorum auctoritatem , quos in probationibus laudauimus , dicendum : quod vt Concilia Christum in medio habeant , in Christi nomine , et auctoritate cogi debent , vniuersamque Ecclesiam represe- sentare : quod solidi Concilii generalibus competit.

Ad secundum dicendum : nullum ex Patrum traditione haereticorum errori accedere praesidium : Nazianzenus siquidem loquitur de Conciliis sub Constantio Imperatore habitis , quorum plura non erant generalia ; et in generalibus suffragiorum libertas defuit. Augustinus autem argumentabatur ex suppositione Maximini contendens Concilium I. Nicaenum non fuisse legitimum ; contra vero legitimum fuisse Ariminense. Quum vero de Conciliis plenariis loquitur , sunt qui Augustinum de Conciliis nationalibus intelligendum velint. Quod si de generalibus ille vere locutus fuit , posteriora Concilia solere pri- ma emendare tantum voluit in rebus facti , et ad disciplinam pertin- entibus ; non in his quae ad fidem et ad mores spectant : addit enim emendationem huiusmodi fieri , dum experimento aperitur , quod erat clausum. Quod sane in fide ac morum questionibus locum non habet.

Ad tertium ex variis Conciliorum factis compactum singulatim respondendum est , breuiter tamen. Errauit Iudaeorum Concilium , eo tempore habitum , quo Synagoga infallibilis non erat ; quum iam an Christus aduenisset. Quid ergo inde aduersus Ecclesiae Concilia , quo- rum est infallibilitas perpetua ? Nisi addamus , Concilium eiusmodi generale non fuisse ; quum ad illud non fuerint vocati Sacerdotes extra Ierusalem degentes. Errarunt deinde Tyrium , Hierosolymitanum , Antiochenum , et Syrmicense ; sed particularia erant Concilia , et ex haereticis maxime confitata. Ephesinum vero II. et Ariminense errarunt , quod per vim et fraudem omnia in illis gesta sunt : in primo scilicet , Dioscorus praesidentiam extorserat a Theodosio Iuniore ; prohibuit postea ne Flauianus sententiam ferret : Patres a militibus , qui Basilicam occupauerant , vim passos fuisse in Synodo Chalcedoniensi adseruerunt. In secundo vi et fraude Episcopi coacti ex Symbolo de-

leuerunt vocem ~~superiorum~~; communicaueruntque cum Arianis, ac toti Ecclesiae scandalum fuerunt. Sed eos nihil tunc definitissime fidei contrarium contendunt Theologi non ignobiles; atque pecuniae tantum causa ac pacis studio a voce *consubstantialis* temperasse: hocque Patrum silentium in causa fuisse ut orbis ingemuerit, et se Ariatum esse miratus fuerit: non re quidem, sed specie solum.

Quod autem attingit ad Concilia Chalcedonense, et Constantino-politanum II. in nullo illa errasse constat. Damnauit siquidem V. Synodus Theodori scripta, non personam: eius contra personam, non scripta Synodus Chalcedonensis absoluerauit. At VI. Synodus generalis, Constantiopolitana III. Honorium damnasse sunt qui negant, repente[n]tes illius Concilii acta interpolata fuisse, ac Theodori loco nomen Honorii insertum: alius placuit Synodus Honorii Epistolas damnasse, quin tamen in eo errorem agnoscant; non enim illas damnauit, quod haeresim Monothelitarum contineant; sed quod illius incremento fauissent, usum vnius aut duplicitis in Christo voluntatis prohibendo. Plures opinantur errasse Concilium in re facti humani, non in re iuris, in cuius uice definitio[n]e infallibile est. Nonnulli tandem iudicant Concilium merito Honorii Epistolas damnasse, quia haeresim Monothelitarum in sensu obvuo continebant. Vnaquilibet ex his responsonibus solutiu[m] argumentum ex huius Concilii facto deponitum. Quod autem de Synodo Francofondensi additur, sic diluti potest: reiecit quidem illa decretum Nicaeni Concilii, errauitque; at generalis non erat, quum Orientis Episcopi non fuerint ad illam vocati; fuit vero generale Nicaenum II. ex Orientis et Occidentis Episcopis coalescens. Errauit tamen Francofondiensis Synodus errore facti tantum; existens Concilium Nicaenum definitissime eundem cultum sacris Imaginibus esse exhibendum, ac augustiniae Trinitati.

Ad quartum dicendum: quod licet in Concilis quae ex Episcopis mundi dilectoribus, iniquis proinde, constant, non sit Spiritus sanctus, quantum ad gratiam gratum facientem, quae sane necessaria non est, vt Pastores veritatem doceant, veraque Sacraenta confiant; est tamen in illis, quantum ad gratias gratias datus, quae ei his conceduntur, qui peccato mortali subiacent. Neque id sine fundamento adseritur: Episcopi enim Christi nomine et auctoritate in Conciliis adunantur: unde pro illis promissiones a Christo factae sunt. Corpori praeterea Ecclesiae necessarium est ut Episcopi veritatem doceant, quam prius agnouerunt; atque ad Christi prouidentiam at-

tinet illis adunatis auxilia , quibus id assequantur, conferre.

APPENDIX.

Subiectunt hic Theologi quaestiones duas. Prima: jan Synodi provinciales, et nationales, et dioecesanae diuina gaudent auctoritate; sintque proinde in fide et moribus infallibilis? Secunda: jan Concilia oecumenica Romani Pontificis confirmatione egant, vt adserant infallibilitatem habeant? Priorem illorum sententia resolimus, qui eiusmodi Synodus diuinam auctoritatem, atque infallibilitatem denegant: non enim illae Ecclesiam vniuersam repreäsentant, quae sola infallibilis est; sed repreäsentant Ecclesias particulares, quae et errare possunt, et errarunt saepissime: unde firmum pro fide et moribus argumentum ex eis non potest erui: eruitur tamen non leue, vt Lucifer Papa III. iudicauit decernens (9), anathematis vinculo eos vere enodari, quos vel Romana Ecclesia, vel singuli per suas dioeceses Episcopi cum Concilio Sacerdotum, vel si oportuerit, vicinorum Episcoporum haereticos iudicauerint.

Posterioris quaestio[n]is resolutio ex varia vocabuli *Confirmatio* intelligentia pender. Primo enim significare videtur, robur et auctoritatem impertiri: deinde tatum habere, ac declarare quod requisitae conditions fuerint obseruatae. Itaque Romani Pontificis confirmationem non ita accipienda ac intelligendam esse, vt totum robur generalis Concilii a Romano Pontifice sit, indubitate rei loco ab omnibus habendum est. Nam Synodus oecumenica in Spiritu sancto legitime congregatam, et vniuersalem Ecclesiam repreäsentantem, auctoritatem a Christo immediate habere, dogma catholicum est, superiorius demonstratum. Quoniam vero conditions quedam ad Synodus generalem necessario concurrunt, quas proximo capite memorabamus, necesse est aliquam in Ecclesia auctoritatem esse, cuius sit iudicare ac declarare quod sane seruatae illae in Synodi celebratione fuerint. Ex qua insuper declaratione consequitur christianorum omnium obligatio acquiescendi eius de fide ac moribus decretis. Id porro praestare Romanum Pontificem, quum Synodi oecumenici decreta promulgat, atque corum executionem imperat, vel solum sacrarum Scripturarum exemplar commostrat, quae auctoritatem a Deo immediate habent, et tamen ad Ecclesiam spectat declarare quae[n]am canonicae et diuinae sunt: unde illud Augustini dictum: „Euangelio

(9) In cap. ad abolendum, de haeret.

„non crederem, nisi me Ecclesiae moueret auctoritas“. Sed et com-
monstrant plurima Ecclesiasticae historiae momenta, quae Natalis
Alexander in hanc rem congesit (10).

CAPUT XI.

*De auctoritate Romanae sedis, quae in Primatu supra ceteras
orbis Ecclesias posita potissimum est.*

*Romanus Pontifex habet iure diuino Primatum iuris-
dictionis in vniuersa Ecclesia.*

de jure **S**acrum hunc Primatum, quem Christus in Ecclesia perpetuo ma-
nus successione heret voluit ad unitatem conseruandam, Romanae Ecclesiae Antisti-
videtur **t**es petri creditum fuisse ex Primatu Petri demonstrare nostri Theologi co-
de jure **n**atur nunc hac ratione: ille habet iure diuino Primatum iurisdictionis in
Primatus **Ecclesia, qui legitimus est Petri successor; qui enim Petro succedit
eadem; quam Petrus habuit in Ecclesia, auctoritatem habeat necesse est; sed Pontifex Romanus Petri successor est: ergo Primatum iurisdictionis iure diuino habet in Ecclesia. Petrum autem iure diuino Primatum habuisse in Ecclesia docent Scripturae: dicitur enim Matthaei xvi. quod postquam Christus suos discipulos interrogasset: „quem dicunt homines esse Filium hominis“: respondissetque Petrus: „Tu es Christus Filius Dei viui“: regerens Iesus dixit: „ei ego dico ti-
bi, quia tu es Petrus, et super hanc petram aedificabo Ecclesiam meam“. Quum vero idem omnino sit iuxta metaphoram domus fundamentum, quod scruta analogia corporis caput; manifeste colligitur Petrum, ut Ecclesiae caput, ita et fundamentum esse. Idem eruitur ex cap. xxi. Ioannis.**

Nostro tamen iudicio haud sat foret ostendisse Petrum inter Apostolos Primatum ex Christi instituto habuisse, ut inde demonstratio-
ne ostensum sit Romanum Pontificem eundem habere in Ecclesia Pri-
matum. Quippe non omnis a Petro fundata Ecclesia hunc habuit
Primatum: aliquin Antiochena, aliaeque orbis Ecclesiae, quas consti-
tuit, et ad tempus saltem rexit, Primatum sibi vendicarent. Eapropter
alii nos via Romanae sedis auctoritatem tuebimur.

Et primo quidem demonstratur Romani Pontificis Primatus ex Conci-
liis.

(10) Dissert. iv. in hist. Eccl. saecul. 15, et 16. §. 5.

liis Nicaeni I. canon vi. ita se habet: „Ecclesia Romana semper ha-
buit Primatum“. Sed verba haec in canonem irrepsisse, nec genuin-
esse erudit existimant. Hinc eo Concilio praetermisso ad alia gradum
facimus. Concilii Constantopolitan I. canon xx. „Constantinopolitanae ciuitatis Episcopum, inquit, habere oportere Primatus honorem
post Romanum Episcopum“. Quo sane decreto Romanam Ecclesiam
omnium Ecclesiarum primam esse declaratum est; ac priulegium,
quo antiquitus fruebat, sartum rectumque seruatum. Concilium
etiam Chalcedonense Primatum Romanae sedis, et agnouit, et omi-
bus notum fecit his verbis a sancto Thoma relatis (1): „veneramur
secundum Scripturas, et canonum definitiones sanctissimum Romae
Episcopum primum esse, et maximum Episcoporum“. Concilium quoque
Aquileiense Romanum Primatum agnouit ad Imperatores Gratia-
num, Valentianum, et Theodosium scribens, ac „Romanam Eccle-
siam totius orbis caput“ dicens. Et Concilium Constantiense Ro-
mani Pontificis Primatum firmat, sententias ei contradicentes dam-
nans: illam quidem Ioannis Wiclefii: „non est de necessitate salutis
credere Romanam Ecclesiam esse supremam inter alias Ecclesias“. Hanc vero Ioannis Hus: „Romanus Pontifex non est caput Romanae
Ecclesiae“. Hanc insuper in Concilio Florentino, Graecis consentientibus,
legimus definitionem (2): „definimus Apostolicam sedem,
et Romanum Pontificem successorem esse B. Petri Principis Apos-
tolorum, et verum Christi Vicarium, totiusque Ecclesiae caput“:
ergo Ecclesiae Concilii indubitatum fidem faciunt Romani Primatus.

Demonstratur rursus ex Patrum scriptis, seu ex traditione. Ex
Graecis Irenaeus Romanam Ecclesiam maximam, et antiquissimam vo-
cat (3). Athanasius ad Felicem Papam scribens: „ob id vos, inquit,
praedecessores vestros, apostolicos videlicet Praesules, in sum-
mitatis arce constituit, omniumque Ecclesiarum curam habere pre-
cepit, ut nobis succurratis“. Gregorius Nazianzenus in carmine de
vita sua sic canit:

„Natura binos haud quidem Soles dedit,
„Dedit ipsa binas attamen mundi faces
„Romas: verustam scilicet ac nouam;
„Fides vetustae recta erat iam antiquitus,
„Et

(1) In opusc. cont. errores Graec. (2) In decreto unionis. (3) Lib. III.

»Et recta perstat nunc item nexus pio,

»Quodcumque labens Sol vides deuinciens;

»Ut vniuersi Praesidem mundi decet.«

Ex Latinis Cyprianus scribit (4): »Petri cathedra Ecclesia principalis est, unde unitas sacerdotalis exorta est.« Hieronymus haec habet (5): »ego nullum primum nisi Christum sequens, benedictionis tuae, id est, cathedralae Petri communione consocior. Super illam petram aedificatam Ecclesiam scio. Quicumque extra hanc domum agnum comedenter prophanus est.« Augustinus sic loquitur (6): »in Romana Ecclesia semper apostolicae cathedralae viguit Principatus.« Prosper in carmine in gratia sic cecinit:

»Sedes Roma Petri, quae pastoralis honoris

»Facta caput mundo, quidquid non possidet armis,

»Relligione tener.«

Ergo et ex Patrum scriptis, seu traditione, constat Romanae sedis Primatus.

COROLLARIA.

Ex his autem, quae pro Romani Pontificis Primatu adserendo dicta sunt, colliguntur quadam, quae maximi facienda sunt pro sedis apostolicae legitima auctoritate agnoscenda atque ruenda. Primo: Romani Pontificis Primatum semper in omnibus orbis christiani Ecclesiis obtinuisse. Secundo: Romanorum Pontificum decreta magno semper in praetorio fuisse habiti, quum apud particularium Ecclesiarum Episcopos, tum apud Concilia ipsa. Tertio: illorum decreta locum theologicum esse, ex quo ad fidem stabilendam, et regulandos mores argumenta eruuntur.

Alia etiam ex ipsa Primatus natura, Theologi elicunt consecaria. Quod spectat maxime ad absolutam Romani Pontificis infallibilitatem suos hinc inde res habet Patronos; quorum momenta sua probabilitate pro vtraque parte gaudere iudicamus. Pro affirmante pugnant Itali, quibus proximioribus saeculis adhaesere, ut plurimum, Hispani nostri. Pro negante vero stant Galli; quos Hispani quidam clarissimi antiquitus fuere secuti; nec desunt hac aetate nostra plures,

(4) Epist. LV. ad Cornelium Papam. (5) Epist. LVI. ad Damas. (6) Epist. XLIII.

res, qui in eam opinionem eant. Ast opinonis limites quam neutra sententia praetergrediatur, caueant Theologi illi, qui pro eis, tanquam pro aris et focis digladiantur, ne fidei catholicae dogmata cum opinioribus confundant, et ex diuinis humana faciant: quum enim, et qui aiunt Papam infallibilem esse, et qui negant, acque christiani catholici sint, neque idcirco alterutri ut haeretici damentur, quaesito haec, quemadmodum et aliae bene multae, inter eas reponenda est, quae, salua catholicae fidei compage, pro et contra a Theologis disputantur: qui tamen virtusque opinionis momenta nosse cupiat, legat prae reliquis Dupinum (7), Bossuetum (8), pro parte contradicente: pro assertente vero Bellarminum (9), Canum (10), alias.

CAPVT XII.

Haereticorum errorem erga sedis Apostolicae auctoritatem describit: eorumque argumenta refutat.

Apostolicae sedis non auctoritas modo, et grauitas, sed omnis erit omnino vis, et facultas semper ab haereticis impugnata est. Ex his Wicles, teste Thoma Waldensi (1), dixit profuturum Ecclesiae, »si careret Papa, Capitaneo, quia tunc descenderet gratia in omnes homines perpendiculariter.« Statuit insuper (2), Papam esse Antichristum; nec esse de necessitate salutis credere Romanam Ecclesiam esse supremam inter alias Ecclesias. Similia protulit Ioannes Hus (3). Post hos Lutherus Papae Primum aggressus est saepissime (4). Nec tamen sibi constat; sed quandoque Romanum Primum admittit, humano licet iure (5). Quam eius fuisse mentem testatur ipse (6), et pro ipso Melanthon (7). At postquam a Leone X. damnatus est nullum iam seruauit modum, sed Pontificem passim Antichristum appellauit. Lutherum securus Zwinglius (8) negat Papam dici posse Ecclesiae caput: quin et impossibile existimat hominem visibilem Ecclesiae, quae inuisibilis est, caput esse. Calvinus praeterea negavit (9) Pri-

(7) Dissert. de antiq. Eccl. discip.

(8) De libert. Eccl. Gallic.

(9) De Roman. Pontif.

(10) Lib. VI. capp. 3. 4. et seqq.

(11) Tom. I. Doct. fid. ant. lib. II. art. 3

(2) In Assertionib. n. 15. (3) In Artic.

(4) In Thesis. Lipsiae disputat. Et

ma in disputatione ipsa cum Echcho.

(5) In Resolut. Proposit. Lipsiae disputatarum, num. 15.

(6) In Epist. ad Emsserum.

(7) In Epist. de Disput. Lipsica.

(8) In Comment. Epist. ad Colos.

(9) In lib. IV. Institut.